



ДЎСТЛИК ТАРАННУМИ



Сурхондарёда Марказий Осиё мамлакатлари ёшларининг "Дўстлик" форумига старт берилди. Йирик анжуманининг очилиш маросими Термиз шаҳридаги

Ёшлар марказида бўлиб ўтди. Ўзбекистон ёшлар иттифоқи амалга ошираётган лойиҳада Афғонистон, Қозғистон, Қирғизистон, Тожикистон Республикала-

ри ва юртимиздан жами 400 нафар иқтидор соҳиби катнашмоқда. Улар минтакавий масалаларни муҳокама этиш баробарида, халқаро муаммоларга мақбул ечимлар топишда яқин қўшничилик алоқаларининг аҳамияти хусусида ҳам атрофлича фикр алмашмоқда.

Бугун мамлакатимизда нанки Ўзбекистон, балки хорижий ёшларнинг ҳам сифатли таълим олиши учун барча зарур шароитлар яратилган. Масалан, Термиз шаҳрида Ўзбекистон Республикаси Олий ва ўрта махсус таълим вазирлиги ҳузуридаги Афғонистон фуқароларини ўқитиш таълим маркази очилган. Унда 130 нафарга яқин афғон талабаси ўзбек тили ва адабиёти фани ўқитувчиси, шунингдек, темир йўл транспорти мутахассисларини эгалламоқда.

— "Дўстлик" форумида катнашаётганимдан хурсандман, — дейди афғонистонлик С.Башиш. — Ўзбеклар билан азалдан яқин бўлиб яшаб келамиз. Мақсадларимиз муштарақ. Бунга форум жараёнида кечаётган мулоқотлар асосида ҳам амин бўлялман. Афғон ёшларига таълим олиш учун кенг имкониятлар яратиб берган ҳукуматингиз ҳамда Президентингизга миннатдорлик билдираман.

Форум дастуридан бир қатор маданий тадбирлар ҳам ўрнини олган. Лойиҳа ҳафта охиригача давом этади.

Мухбиримиз

ЎЗБЕКИСТОН – ФРАНЦИЯ: УЗОҚ МУДДАТЛИ ҲАМКОРЛИКНИ ЯНАДА КЕНГАЙТИРИШ ВА МУСТАҲКАМЛАШ ЙЎЛИДА

Аввал хабар килинганидек, Ўзбекистон Республикаси Президенти Шавкат Мирзиёев Франция Республикаси Президенти Эммануэль Макроннинг таклифига биноан 8-9 октябрь кунлари расмий таширф билан ушбу мамлакатда бўлди.

Таширфнинг асосий воқеалари 9 октябрь кунини бўлиб ўтди.

Париж шаҳридаги Шон-шараф майдо-нида Ўзбекистон Республикаси Президентини расмий қутиб олиш маросими бўлди.

Олий мартабали меҳмон шарафига фахрий қоровул саф тортди. Ўзбекистон ва Франция давлат мадхиялари янгради. Шавкат Мирзиёев ҳарбий оркестр садолари остида фахрий қоровул сафи олди.

Шундан сўнг давлатимиз раҳбари Франция Республикаси Президентининг Елисей саройига йўл олди.

Шавкат Мирзиёев ва Эммануэль Макрон-

нинг музокарасида Ўзбекистон – Франция муносабатларини янада ривожлантириш, томонларни кизиктирган минтакавий ва халқаро аҳамиятга молик масалалар юзасидан фикр алмашилди.

Президентимиз мамлакатимиз делегациясига кўрсатилган меҳмондўстлик учун самимий миннатдорлик билдириб, Ўзбекистон ишончли ва узоқ муддатли шерик бўлган Франция билан ҳамкорликни ривожлантиришга катта аҳамият қаратганини алоҳида таъкидлади. Франция давлатимиз раҳбари расмий таширф билан келган Европадаги биринчи мамлакат эканини қайд этиб, ўн бешинчи аср бошида буюк Соҳибқирон Амир Темур ва Франция кироли Карл VI даврдан буюн давом этиб келаётган дўстлик, ўзаро ҳурмат ва ишонч мамлакатларимизни боғлаб туришига эътибор қаратди.

(Давоми 2-саҳифада)

ЙИЛНИ МУВАФФАҚИЯТЛИ ЯКУНЛАШ ВА БАРЧА МАКРОИҚТИСОДИЙ КЎРСАТКИЧЛАРГА ЭРИШИШ — МУҲИМ ВАЗИФА

Ўзбекистон Республикаси Президенти Шавкат Мирзиёев ҳузурида 2018 йил 10 октябрь кунини Вазирлар Маҳкамаси ва иқтисодий идоралар раҳбарлари иштирокида мамлакатни жорий йил 9 ойида ижтимоий-иқтисодий ривожлантириш ҳолати ва йил якунлари бўйича қўйилган натижалар муҳокамасига бағишланган йиғилиш бўлиб ўтди.

Молиявий бозорнинг ривожланиши иқтисодиётни янада либераллаштириш ва тадбиркорлик учун қулай шарт-шароитлар яратишнинг асосий омили ҳисобланади.

Шу боис мамлакатимизда бу борада

кенг қўламли ислохотлар амалга оширилди. Жумладан, Президентимизнинг 2017 йил 2 сентябрдаги "Валюта сиёсатини либераллаштириш бўйича биринчи навбатдаги чора-тадбирлар тўғрисида"ги фармони амалда бўлган валютани тартибга солиш тизимини тубдан ислох қилиш, валюта сиёсатини либераллаштириш, барча тадбиркорлик субъектларига ташқи савдо фаолиятини амалга оширишда тенг шароитлар яратишнинг мутлақо янги тизимига асос бўлди.

(Давоми 2-саҳифада)

SHU SONGA XABAR

Айни дамда юртимизнинг пахта далаларида иш қизғин. Зарбдор теримчиларнинг шаштини кўриб ғайратинг жўшади. Фидойилар бор бўлсин-да. Дарвоқе, уларнинг орасида ёшлар ҳам тадайтгина. Аксарияти Ўзбекистон ёшлар иттифоқи ташаббуси билан тузилган кўнгилли жамоалар сафида бободехқонларга кўмакдош бўлиб, толамай меҳнат қилмоқда.

Ёшлар иттифоқи энг зўрларини муносиб рағбатлантириш ҳақида ҳам унутатгани йўқ. Шу мақсадда ҳар ҳафтада "Илғор теримчи" лойиҳаси амалга оширилмоқда. Масалан, яқинда Наманганда фидойи ёшлар ичидан чиққан 247 нафар йиғит-қиз қимматбаҳо совғалар билан тақдирланди. Бундай ишлар барча ҳудудларда давом этмоқда.

Суратда: сурхондарёлик илғор теримчиларга муқофотлар топширилмоқда.

Рохатой ҚОДИРОВА

ИШЛАГАНГА МИНГ ТАНГА



ЙИЛНИ МУВАФФАҚИЯТЛИ ЯКУНЛАШ ВА БАРЧА МАКРОИҚТИСОДИЙ КЎРСАТКИЧЛАРГА ЭРИШИШ — МУҲИМ ВАЗИФА

(Бошланиши 1-саҳифада)

Ҳеч шубҳасиз айтиш мумкин, мазкур ҳужжатда кўзда тутилган чора-тадбирларнинг амалга оширилиши мамлакатимизда ишбилармонлик муҳитини яхшилашга, инвестиция салоҳиятининг юксалишига, пировардида, иқтисодиёт тармоқлари самарадорлигининг янада яхшиланишига хизмат қилмоқда.

Мамлакатимизда валюта бозорининг эркинлаштирилиши иқтисодиётда ликвидлик даражаси ошиши ҳамда бўш пул маблағларининг муҳим инвестиция ва инфратузилма лойиҳаларига жалб этилишини таъмин қилади.

Ўз навбатида, капитал бозорини ривожлантириш, ҳўжалик юритувчи субъектлар, банклар ва сугурта компанияларининг бўш маблағларини муҳим лойиҳаларга жалб қилиш ҳам яхши самара беради. Бу борада

янги ислохотларни амалга ошириш давлат бюджети харажатларини бир маромда молиялаштириш учун имкониятларни янада кенгайтиришга хизмат қилади.

Йилнинг “Ҳар бир оила — тадбиркор” давлат дастурининг жойлардаги ижроси бўйича мутасадди раҳбарлар ҳисоботи эшитилди.

Давлатимиз раҳбари Ҳаракатлар стратегиясига мувофиқ, мамлакатимизда капитал бозорини ривожлантириш, ҳўжалик юритувчи субъектлар, тижорат банклари ва сугурта компанияларининг бўш маблағларини муҳим инвестиция лойиҳаларини амалга оширишга жалб қилиш мақсадида қимматли қўғозларни муомалага чиқариш, шунингдек, жорий йилни муваффақиятли яқунлаш ва барча прогност қилинган асосий макроеқтисодий кўрсаткичларга эришишни таъминлаш юзасидан тегишли топшириқлар берди.

ЎзА

ESHITDINGIZMI?

АЗИЗ САНЖАР Ўзбекистонга келади

Ўзбекистонлик илму толиблар жорий йилнинг 15-22 октябрь кунлари Нобель мукофоти совриндори Азиз Санжар билан бевожита мулоқотда бўлиш имконига эга бўлади. Жаҳонга машҳур олимнинг юртимизга ташрифи Ўзбекистон миллий университети таклифига биноан амалга оширилмоқда.

Малик СИНДОРОВ

АҚШдаги Шимолий Каролина университети профессори дастлаб Ўзбекистон олий ва ўрта махсус таълим вазири Иномжон Мажидов билан учрашади. Нуфузли меҳмон иштирокида Ўзбекистон миллий университетида халқаро илмий анжуман ўтказилиши ҳамда тармоқлараро молекуляр биология лабораториясининг очилиши ҳам режалаштирилган.

Анжуманда Азиз Санжарнинг сарҳадсиз билим ичра кечган ҳаёти ҳақида сўз юритилади. Шунингдек, Нобель мукофоти лауреатига ЎЗМУ фахрий доктори унвони топширилади.

Ташрифнинг асосий қисмини Азиз Санжар талаба ва тадқиқотчилар билан му-



лоқотга бағишламоқчи. Ёшлар аудиториясига у “ДНКнинг тикланиши, саратон ва кимёвий даволаш” мавзuida онлайн дарс ўтиб беради. Маъруза республикамизнинг барча олий ўқув юртиларига тўғридан-тўғри трансляция қилинади.



РЕКОРДЛАР ЯНГИЛАНДИ

Хумоюн ОМОНОВ

Индонезия пойтахти Жакарта шаҳрида III Параолимпийналар давом этмоқда.

100 метрга югуриш пойғала-рида Дониёр Ахмедов маррага биринчи бўлиб етиб келди ва олтин медални қўлга киритди.

Эркалар ўртасида комплекс усулга сузишда Дмитрий Хорлин Осиё рекордини янгиллаган бўлса, яна бир ҳамюртимиз — Фирдавсбек Мусабеков кумуш медал билан қифояланди. Шунингдек, аёллар бахсларида Фотима Амилова олтин, Шоҳсанамхон Тошўлатова эса, кумуш медал соҳибасига айланди.

Кейинги медаллар комплекти дзюдочиларимизга nasib etdi. Даставвал 81 килограмм вазн тоифасида Нурбек Мирзаев ҳамда Валида Алибаева олтин, Нафиса Шерипбоева кумуш, Парвина Самандарова эса, бронза медалига сазовор бўлди.

Элбек Султонов ядро улоқтириш беллашувда жамоамиз ҳисобига навбатдаги ғалабани ёздириш баробарида Параолимпийналар рекордини ҳам янгиллади. 100 метрга югуриш мусобақасида Сабина Суҳанова бронза медал билан қифояланди. Баландликка сакрашда Темурбек Гиязов биринчи бўлди. Эслатиб ўтамиз, мазкур спорт турида параолимпийчиларимиз бирон марта ҳам олтинга эга бўлмаган.

Айни пайтда Ўзбекистон терма жамоаси 25 та олтин, 12 та кумуш ва 10 та бронза медал билан умумжамоа ҳисобида Хитой, Жанубий Корея ва Эрондан сўнг тўртинчи ўринда бормоқда.

CHINGIZ AYTMATOV TAVALLUDINING 90 YILLIGI OLIDAN

УЛУҒ АДИБ АСАРЛАРИ ТЕАТР САҲНАСИДА

Есимхон ҚАНОАТОВ,
ЎзА муҳбири

Чингиз Айтматов таваллудининг 90 йиллиги муносабати билан Қорақалпоғистон ёш томошабинлар театрида адибнинг “Асрга татиғулик кун”, “Чингизхоннинг оқ будути” номи асарлари асосида “Исканжа” спектакли саҳналаштирилди.

Саҳна асарида меҳр-оқибат, одамлар ўртасидаги муносабат, яхшиликнинг ёвузлик устидан ғалаба қилиши маҳорат билан очиб берилган.

Таникли режиссёр, Ўзбекистонда хизмат кўрсатган маданият ходими Абдурахмон Абдуназаров томонидан саҳналаштирилган ушбу спектакль муаллифи ёзувчи ва таржимон Алписбай Султоновдир.

Муаллифнинг таъкидлашча, асар бундан 10 йил аввал, яъни 2008 йилда Қирғизистонда эълон қилинган “Чингиз Айтматов йили”да ёзилган. Мана, орадан ўн йил ўтиб бу асар намойиш этилмоқда.

Айни пайтда Бердак номидаги Қорақалпоқ давлат академик мусиқий театрида режиссёр Мухтар Реймов томонидан саҳналаштирилаётган Чингиз Айтматовнинг яна бир асари “Соҳил ёқалаб чопайтган Олапар” кассаси асосида “Лувр ўрдак” спектакли премьерасига тайёрларил қўрилмоқда.

ЎЗБЕКИСТОН – ФРАНЦИЯ: УЗОҚ МУДДАТЛИ ҲАМКОРЛИКНИ ЯНАДА КЕНГАЙТИРИШ ВА МУСТАҲКАМЛАШ ЙЎЛИДА

(Бошланиши 1-саҳифада)

Эммануэль Макрон давлатимиз раҳбари билан Парижда учрашиб турганидан мамнулигини билдириб, Ўзбекистонда олиб борилаётган оқилона сиёсат, кенг қўламли ислохотлар нафақат аҳоли фаровонлигини ошириш, мамлакатнинг етакчи давлатлар сафига кириши, балки Марказий Осиёда тинчлик ва барқарор тараққиётни таъминлашга хизмат қилаётганини таъкидлади.

Икки давлатнинг халқаро ва минтақавий муаммоларни ҳал этишга доир ёндашувлари яқин ёки мос экани кайд этилди.

Ўзбекистоннинг Марказий Осиёда барқарорлик ва хавфсизликни мустаҳкамлаш, минтақа давлатларининг изчил тараққиётга эришиши мақсадида ўзаро манфаатли ҳамкорлик ва яхши қўшничилик муносабатларини ривожлантиришда муҳим ўрин тутиши алоҳида таъкидланди.

Давлат раҳбарлари минтақавий ва халқаро ҳамкорликнинг янги шакллари ривожлантириш, таҳдид ва хатарларга қарши биргаликда курашиш муҳимлигини кайд этилди. Минтақада тинчлик ва оқилона-лиқни таъминлашнинг муҳим шарти сифатида Афғонистондаги вазиятни барқарорлаштириш зарурлиги яна бир бор таъкидланди. Бунда олдиндан ҳеч қандай шарт қўймасдан тўғридан-тўғри сиёсий мулоқотни йўлга қўйиш ушбу муаммони ҳал этишнинг бирдан-бир йўли эканига эътибор қаратилди.

Кейинги йилларда сиёсий мулоқот фаоллашгани ва бундан буён мунтазамлик касб этиши лозимлиги таъкидланди.

Ҳукуматлар ва вазирликлар даражасида мунтазам мулоқот амалга оширилмоқда. Ташки сиёсий идоралар ўртасида сиёсий маслаҳатлашувлар ўтказилмоқда. Парламентлараро алоқалар изчил ривожланмоқда.

Учрашувлар савдо-иқтисодий, инвестиция, энергетика, технологиялар, маданият-гуманитар соҳаларда ҳамкорликни ривожлантириш масалалари муҳокама қилинди.

Савдо-иқтисодий ҳамкорлик бўйича Ўзбекистон – Франция ҳукуматлараро комиссияси фаолиятига ижобий баҳо берилди. Ўзаро савдо ҳажминини қўлай-тириш, иқтисодиётнинг турли соҳаларида истиқболли инвестиция лойиҳаларини амалга ошириш муҳимлиги кайд этилди.

Ўзбекистон Республикаси ва Европа Иттифоқи ўртасида шериклик ва ҳамкорлик тўғрисидаги битимга мувофиқ, ўзаро савдода энг кўп қўлайлик яратиш тартиби ўрнатилган. Икки томонлама солиқ солишга йўл қўймаслик тўғрисида конвенция ва бошқа ҳужжатлар имзоланган.

Музокараларда мамлакатларимиз ўртасидаги ўзаро савдо ҳажми мавжуд имконият ва салоҳиятга мос эъланиш таъкидланди. Шу муносабат билан Ўзбекистоннинг тегишли вазирлик ва идоралари томонидан Европа тикланиш ва тараққиёт банки, “МЕДЕФ” Франция тadbirkorлари харақати ҳамкорлигида ташкил этилган бизнес-форумда Европанинг илгор тажрибаси, билими ва технологиялари асосида истиқболли лойиҳаларни амалга ошириш бўйича келишувларга эришилгани катта мамнуният билан кайд этилди.

Хусусан, Франция тараққиёт агентлиги билан умумий қиймати қариб 600 миллион евро бўлган инфратузилма лойиҳаларини амалга ошириш бўйича ҳамкорлик дастури имзоланди. Франциянинг “Эйрбас”, “Тоталь”, “Винчи”, “Орано”, “Тоталь Эрен”, “Веолия”, “Фивс Штейн”, “Буйг”, “Ранжис” ва бошқа кўлаб компаниялари билан ҳамкорликда лойиҳалар амалга оширишга келишиб олинди.

Мамлакатларимиз ўртасида маданият-гуманитар алоқалар ҳам изчил ривожланмоқда. Учрашувлар бунга алоҳида эътибор қаратилар экан, маданият ва санъат, туризм, фан ва техника, таълим, соғлиқни сақлаш, археология соҳаларида ҳамкорликни кенгайтиришнинг аниқ йўналишлари муҳокама қилинди.

Давлатимиз раҳбари Ўзбекистонга келаётган франциялик сайёҳлар учун визасиз тартиб жорий этилгани ва Франция бу борада Европанинг биринчи мамлакат бўлганини таъкидлади.

Мамлакатимизда француз тилини ўрганишга қизиқувчилар кўп. Яқинда Тошкентда Француз тили ва маданияти маркази ташкил этилди.

Иқтисодиёт, муҳандислик, қишлоқ ҳўжалиги, туризм каби йўналишларда мутахассислар тайёрлаш бўйича Ўзбекистонда Франциянинг етакчи

университетлари филиалларини очиб борасида келишувларга эришилди.

Мамлакатимиз тарихи ва маданияти халқаро ҳамжамиятда, жумладан, Франция илмий доираларида доимо катта қизиқиш уйғотиб келган. Ташриф давомида юртимиз тарихи ва маданиятини ўрганишга муносиб ҳисса қўшган Франциянинг таниқли адабиёт ва илм-фан намояндалари – ёзувчи Амин Маалуф, олимлар Фредерик Бопертон-Брессанд хоним ва Франц Гренеге Самарқанд шаҳри фахрий фуқароси унвони берилди.

Мамлакатимиз тарихий ва маданий меросига улкан қизиқишни ҳисобга олган ҳолда, 2021 йилда Лувр музейида Ўзбекистон тарихига бағишланган кўргазма ўтказиш хусусида келишувга эришилди. Ушбу тадбир жаҳонга машҳур музейда Мустақил Давлатлар Ҳамдўстлигидаги мамлакатлардан бирига бағишлаб ўтказиладиган илк кўргазма бўлади.

Ташриф доирасида автомобиль транспортида халқаро йўловчи ва юк ташиш, туризм соҳаларида ҳамкорлик тўғрисида ҳукуматлараро битимлар, Франция тараққиёт агентлиги билан 2018-2020 йилларга мўлжалланган ҳамкорлик дастурини амалга ошириш тўғрисида ахдлашув битими имзоланди.

Шунингдек, 2019-2020 йилларда ташки ишлар вазирликлари ўртасида ҳамкорлик дастури, Ўзбекистон Экология ва атроф-муҳитни муҳофаза қилиш давлат қўмитаси ва Франция экология, вазирлик ва энергетика вазирлиги ўртасида атроф-муҳитни муҳофаза қилиш ва барқарор тараққиёт соҳасида ҳамкорлик, икки мамлакат ички ишлар, маданият вазирликлари, Ўзбекистон Маданият вазирлиги ҳузуридаги Маданият ва санъатни ривожлантириш жамғармаси ва Лувр музейи ўртасида ҳамкорлик бўйича ўзаро англашув меморандуми каби ҳукуматлараро ва идоралараро жами 10 та ҳужжат қабул қилинди.

Музокаралар якунида имзоланган ҳужжатлар ўзаро алмашилди.

Давлат раҳбарларининг самарали музокаралари якунида эришилган натижалар Ўзбекистон билан Франция ўзаро манфаатли ва узоқ муддатли ҳамкорликни янада кенгайтириш ва мустаҳкамлашга, уни янги амалий мазмун билан бойитишга тайёр эканини ёқин тасдиғи бўлди.

Президент Шавкат Мирзиёев Лувр музейига ташриф буюрди.

Лувр – дунёдаги энг машҳур музейлардан бири, Франциянинг ўзига хос “ташриф қозғоғи”дир. У бадий коллекцияси бўйича жаҳонда биринчи, майдони бўйича иккинчи ўринда туради. Ушбу музейга ҳар йили қариб 10 миллион сайёҳ келади.

Музей бўйича 1190 йилда Франция Кироли Филипп-Август томонидан қалъа сифатида бунёд этилган. Лувр сўзи мазкур муҳофаза қўргони номидан олинган. У бир неча аср давомида Франция кироллари қароргоҳи бўлган. Кейинчалик Версаль саройи қурилгач, 1793 йилда музейга айлантирилган.

Лувр музейида 300 мингдан зиёд экспонат сақланади. Уларнинг энг қадимгиси эраимиздан аввалги 7 асрга оиддир. Музей залларида уларнинг фақат 35 мингтаси намойиш этилади. “Милослик Венера” ҳайкали ва Ҳаммурапи қонунлари, Леонардо да Винчининг “Жоконда” ва Ян Вермеернинг “Чевар киз” картиналари улар орасида энг машҳурларидир.

Музей экспонатлари 6 та коллекцияга ажратилган. Фақат Шарк коллекциясининг ўзи 24 та зални эгаллаган. У ерда бизнинг мамлакатимиз тарихига ҳам оид минглаб ашёлар бор. Жумладан, Амир Темурнинг Карл VI ба ёзган мактуби, Аҳмад Яссавий макбараси учун Соҳибқирон томонидан яратилган шамдон, қадимий қурул-аслаҳалар, битиклар ва бошқа осори-атикалар буюқ ўтмишдан сўзлайди.

Давлатимиз раҳбари музей экспонатларини томоша қилди ва улар тарихи билан қизикди. Бу ерда сақланаётган тарихий меросимиз намуналарини халқимиз учун ниҳоятда қадри ва аҳамиятли эканини таъкидлади. Ўзбекистон ва Франция музейлари ҳамкорлигида кўргазмалар ташкил этиш, археолог ва тарихчи олимларнинг илмий ҳамкорлигини кенгайтириш зарурлиги кайд этилди.

Шунинг билан Ўзбекистон Республикаси Президенти Шавкат Мирзиёевнинг Францияга расмий ташрифи ниҳоясига етди.

Абу Бакр ЎРОЗОВ,
ЎзА махсус муҳбири
Тошкент – Париж – Тошкент

AKS-SADO

МУШТАРАКЛИГИМИЗ ЗАВОЛ ТОПМАСИН

Ўзбекистонга болаликдан меҳрим балинд. Онам адабиёт ихлосманди. Юртингиз ҳақида тарихий асарлар кўп ўқиган, менга ҳам сўзлаб берарди. Шу-шу жаннатмакон диёрда ростмана мафтун бўлиб қолдим.

Ниҳоят, ўтган йили Ўзбекистонга келдим. Кўхна юртда нақ бир ой яшадим, тарихий шаҳарларни зиёрат қилдим. Меҳмондўст, бағринкенг халқингиз ўзга юрт вакиллари, шу жумладан, французларга илиқ муносабати, ҳурмат ва эътиборидан руҳландим. Мени ҳайратлантирган жижат шуки, баъзи ўзбек ёшлари француз адабиёти ҳақида ўзимиздан ҳам кўп нарсани билар экан. Айниқса, уларнинг соҳибқирон Амир Темур ва Франция кироли Карл IV ўртасидаги дўстона алоқалардан яхши хабардорлиги мени беҳад қувонтирди.

8-9 октябрь кунлари Президент Шавкат Мирзиёев расмий ташриф билан Францияда бўлди. Икки давлат раҳбарлари кўлаб соҳалар юзасидан қизгин музокара олиб бори, бир қатор муҳим келишувларга эришилди. Б, сўзсиз, кўп аср муқаддам боғланган ўша тарихий ҳамкорлик

ришталарининг янада мустаҳкамланишига хизмат қилади.

Бироз аввал ўзбек дўстларимдан Ўзбекистон давлат жаҳон тиллари университети қошида француз тилига ихтисослаштирилган мактаб ташкил этилиши ҳақида эшитиб роса хурсанд бўлгандим. Зотан, мазкур лойиҳа таълим соҳасида ўзаро тажриба алмашишимизга кенг йўл очиб беради. Франциянинг Сержи-Понтуаз университети билан ҳамкорлик йўлга қўйилгани ҳам айни мудоаидир.

Ўзбекистон раҳбарининг Францияга ташрифи мамлакатларимиз тарихида ўчмас из қолдиришига ишонаман. Муштараклигимиз сира завол топмасин дейман.

Рони ЛИБАЙЛИ,
туризм бўйича мутахассис
(Динар шаҳри)

MULOQOT

ИЖТИМОЙ ШЕРИКЛИК — УСТУВОР МАСАЛА

Ш.ЭРКИНОВ

Пойтахтимизда “Ўзбекистонда ёшларга оид давлат сиёсатини амалга оширишда ижтимоий шериклик масалалари” мавзуга бағишланган давра суҳбати бўлиб ўтди. Унда Олий Мажлис Қонунчилик палатаси депутатлари, сиёсий партиялар фаоллари, ёшлар иттифоқи қошидаги нодавлат нотижорат ташкилотлар раҳбарлари, олий ўқув юртлири талабалари ҳамда журналистлар иштирок этди.

Сўзга чиққанлар 2016 йил 15 сентябрда мамлакатимизда “Ёшларга оид давлат сиёсати тўғрисида”ги қонун қучга кириши билан ёшларнинг ҳуқуқ ва манфаатларини ҳимоя қилиш имкониятлари янада кенгайганини таъкидлади.

Мулоқот давомида айни масалада ижтимоий шериклик механизмининг таътиқ этиш бўйича аниқ тақлифлар берилди. 2014 йил 18 июнда қабул қилинган “Ижтимоий шериклик тўғрисида”ги қонун ҳақида ҳам тўхталиб ўтилди.

— Умуман олганда, янги қонун лойиҳалари муҳокамасига ёшларни



ҳам кенг жалб этишга ҳаракат қиля-миз, — дейди Қонунчилик палатаси депутати Қозим Тожиёв. — Мазкур амалиёт уларнинг сиёсий билиминини оширишга хизмат қилмоқда. Чунки муҳокама жараёнида йигит-қизлар у ёки бу масалада ўз позициясини эркин ифода этиши, фикрини асосла-ши ҳамда ҳимоя қилиши мумкин.

Бугунги кунда республикада 33 та нодавлат нотижорат ташкилот-и фаолият кўрсатмоқда. Давра суҳ-бати давомида уларни ягона мақсад — ёшларнинг порлоқ истиқболини таъминлаш йўлида бирлаштириш устувор аҳамият касб этиши қайд этилди.



ДУНЁДА ИЛМДАН БОШҚА
НАЖОТ ЙЎҚ ВА БЎЛМАГАЙ...

Н.АБУЛҲАСАН,
Ўзбекистон Республикаси
Вазирлар Маҳкамаси ҳузуридаги
Дин ишлари бўйича қўмита
раиси ўринбосари.
ЎзА

“Аллоҳ сизлардан имон келтирганлар ва илм
берилганларнинг даражаларини кўтарур”

(Мужодала сураси, 11-оят)

Юртимиз қадимдан илму маърифат маркази, тамаддун чорраҳаси бўлиб келган. Ушбу табаррук заминдан дунёга илму ирфон зийнсини таратган буюк алломалар, мутафаккирлар етишиб чиққан. Улар илм-фаннинг кўнлаб жабҳаларига асос солиб, жаҳон тамаддунининг шонли маъғи бўлиб келган. Албатта, бунга аждодаларимиз муқаддас динимизнинг илм эгаллашга доир кўрсатмаларини ҳаёти шиориға айлантиргани сабаб бўлган.

Бобокалонларимиз илмни дунёвий ва динийга ажратмаган. Икки дунё саодатини диний ва дунёвий илмларнинг уйғулишида билган. Аслида, инсоният илмининг тарихи ҳам шуни исботлайди. Қачонки, мусулмонлар диний ва дунёвий илмни баробар эгаллаганида халқларнинг энг пешқадами бўлган. Шунинг учун ҳам исломнинг илмга доир тарихини ўрганган инсон унинг зарварларида барча жабҳаларда ўз даврининг дурдонаси бўлган қомусий олимларнинг муборак номларини топади.

Қуръони каримда ҳам илм олиш ва уни тарқатишга оид кўп кўрсатмалар учрайди. Ушбу буюк қаломнинг илк нозил бўлган ояти ҳам айнан илм олишга тарғиб — “Ўқи!” чақириғи билан бошланган. Қуръони каримда “илм” сўзи турли шаклларда 768 мартаба ишлатилганининг ўзидан ҳам динимизда илмнинг ўрни бекиёс эканини аниқлаш мумкин.

Шунинг учун ҳам илмнинг дунё-ю охирадаги фазлини аниқлаган, 600 минг ҳадиси санади билан ёддан билган, шулардан фақатгина 7 мингдан ортиқроқ энг ишончлисини ўз китобида келтирган буюк муҳаддис, ҳадис илмининг чироғи Имом Бухорий ҳазратлари “Дунёда

илмдан бошқа нажот йўқ, бўлмайдиган ҳам”, деган ҳулосага келганлар.

Динимиз илмни инсоннинг икки дунёсини обод қилиш учун восита қилди. Ҳадиси шарифларда охирагини, деб дунёсини, дунёси учун охирагини ташлаб қўймаган инсон Аллоҳга энг суякли банди сифатида тараннум этилади. Муқаддас ислом динимизнинг амри ҳам шу. Бунинг билан Имом Бухорий ўз саҳифаларида ривоят қилган: “Илмни агарчи у Хитойда бўлса ҳам ўрганишлар” ҳадисидан билиб олишимиз мумкин.

Илк ислом даврида Хитойда диний билимлар эмас, балки инсон ҳаёти фаровонлигига сабаб бўлувчи дунёвий фанлар ривожланганини эътиборга оладиган бўлсак, динимизда илм, деганда фақат шаръий илмлар кўзда тутилмаслиги яққол аниқлашади.

Аждодаларимизнинг бой илмий меросини ўрганар эканмиз, уларда ёш авлодга диний илмлар билан бирга, ўзлари учун зарур бўлган замонавий билим ва қўникмаларни ўргатиб бериш ҳам ўта муҳим экани таъкидланади. Токи, улар ўз замонасидан орда қолган халқ, албатта, қолқиликка маҳкум. Бунинг билан мусулмон давлатлари бошига келган мустақиллашчилик, қашшоқлик ва жохиллик офатларидан ҳам билиб олсак бўлади. Зеро, Пайғамбаримиз соллаллоҳу алайҳи васаллам томонларидан “илмнинг эшиги” дея таърифланган Ҳазрат Али (к.в.) бежиз: “Фарзандларингизга ўзингиз яшаб турган замоннинг эмас, улар яшайдиган замонга муносиб илмни беринг. Зеро, улар сизлардан кейинги даврда яшайдилар”, деганлар.

Бирок бутунга келиб, ҳолатлар ўзгарди. Мусулмонлар илмни бир-биридан айро-айро икки йўл қилиб олди. Натижада мусулмон уммати ичида дунё тараккиятга мутлақо бегона жохил мутаассиблар ҳамда бутун эътиборини фақат моддиятга қарат-

ган, дин ва ахлоқ каби тушунчалардан узоқ бўлган, маънавий жиҳатдан тубан тоифалар пайдо бўлди.

Инсониятга табобат сирларини очиб берган Ибн Синони қофир, зиндик, деб тўхмат қилган, замонавий астрономияга асос солган Улуғбекни сеҳр-жодуда айблаганлар ҳам илмдан бебаҳра, бурнинг пастидан нарисини кўра олмайдиган калтабин, мутаассиб ва жохиллар эди.

Бунинг оқибатида эса, мусулмон халқлари орасида ўзаро ихтилоф, низо ва можаролар авж олди. Сийратга эмас, суратга берилган юзакилик тарафдорлари кўпайди. Қалб поклиги, ахлоқ, илмни биринчи ўринга қўядиганлар тақчиллашиб, инсонни қийимига қараб яхшимизда илм, деганда фақат шаръий илмлар кўзда тутилмаслиги яққол аниқлашади.

Афсуски, бу каби иллатларнинг бир учи бизнинг диёримизга ҳам ўз соясини солди. Зеро, мустақилликнинг илк йилларида оз бўлса-да, бизнинг заминимиздан ҳам ўз Ватани, ота-онаси, халқини қоғирга чиқариб, ер юзида қатл ва фасод ёйилишидан бошқа нисга “ҳисса” қўшмаётган, шу жирканч ҳолатини “жиход”, “шахидлик” каби олий тушунчалар билан ҳаспўллашга уринаётган жохиллар чиққани рост.

Бирок, заминимизнинг ҳамиша ўз эгалари, илмни ҳаётининг мазмунига айлантирган раҳнаомлари бўлган. Давлатимиз раҳбари бошчилигида “Жаҳолатга қарши маърифат” шиори остида ёшларимизни ҳам диний, ҳам дунёвий билимга эга қилиш авлод этиб тарбиялаш жамиятимиз ҳаётининг бош мезонига айланди.

Бутун юртимизда илмга эътибор юқори чўққига чиқди. Бу борда муҳим фармонлар, қарор ва дав-

лат дастурлари қабул қилинмоқда. Президентимизнинг 2018 йил 21 сентябрдаги “2019–2021 йилларда Ўзбекистон Республикасини инновацион ривожлантириш стратегиясини тасдиқлаш тўғрисида”ги фармонида ҳам юртимизда таълим сифати ва қамровини ошириш, узлуксиз таълим тизимини ривожлантириш, кадрлар тайёрлаш тизимининг иқтисодиёт эҳтиёжларига мослашувчанлигини таъминлаш каби долзарб вазифалар белгилаб берилди. Шунингдек, фармонда илмий тадқиқот ва ишланмаларнинг илмий салоҳиятини мустаҳкамлаш ва самарадорлигини ошириш, илмий-тадқиқот, тажриба-конструкторлик ва технологик ишлар натижаларини кенг жорий этиш учун таълим, илм-фан ва тadbirkorликни интеграция қилишнинг таъсирчан механизмларини яратишга ҳам алоҳида урғу берилган.

Шубҳасиз, юртимизда олиб борилаётган кенг қамровли ислохотлар, илм-фан ва замонавий технологияларни ривожлантиришга қаратилаётган алоҳида эътибор эртанги келажимиз учун пойдевор вазифасини ўтайди. Айниқса, Президентимизнинг илм-фан билан шугулланиш, янги кашфиёт ва ихтиролар қилиш иғна билан қудук қазилдек маънавиятнинг иш экани ҳамда бу соҳага эътибор бериш доимо долзарб вазифа бўлиб қолиши ҳақидаги фикрлари таҳсинга сазовордир.

Юртимизда илм-фанга берилаётган эътибор яқин келажакда ўз самарасини бериши шубҳасиз. Чунки тарихнинг қайсидир босқичида бирор-бир цивилизация ўз замонасининг энг илғори бўлган бўлса, бунга фақат ва фақат илм-фан боради. Илм-фаннинг эътибори эришган. Аксинча, қайсидир тамаддун ўз нуфузини йўқотиб, оқибатда бошқаларга муҳте бўлиб, инқирозга юз тутган бўлса, у ҳам ўша жамиятда илмдан оттан жаҳолат оқибатида шундай аҳволга тушган. Шундай экан, қимматли диндорларимизга ўйнаб, буюк зафарлар сари отланган халқимиз орасида фитна чиқаришга уринаётган ғаламисларнинг нафратларига учмаган ҳолда ёшларимизни ҳар томонлама етук, маънавиятга, замонавий илмларда пешқадам қилиб вояга етказиш шу юрт тақдирига бефарқ бўлмаган ҳар бир инсон учун ҳам қарз, ҳам фарздор.

Умид қиламизки, тарихда бутун дунёга устозлик қилган диёримиз тез орада яна шундай олий мартабани қўлга киритади.

да фаровонлик ошгани сари саломатликка путур етатиётгани ҳақида ёзганди. Камҳаракатлик, тайёрга айёр бўлиш психологияси орқиб ваъна эга, ёлғизтабиат, ёруғликдан чўчидиган болаларнинг кўпайишига сабаб бўлмоқда. Бу муаммо асосан катта шахарларга хос. Олис туман ва қишлоқларда ҳаракатли ўйинлар оз бўлса-да, сақланиб қолган. Бирок эътиборсиз қолаверсак, бориши ҳам йўқотишимиз ҳеч гап эмас.

Маҳмуд Қошғарийнинг “Девону лутотит турк” асариди 150 га яқин халқ ўйини тилга олингандан шахсан ўзим ҳамиша хайратга тушаман. Мутафаккир адиб ўйинларни ёшга мослиги, шунингдек, жисмоний ва ақлий салоҳиятини талаб қилишга қараб тавсифлаб, мусобақа турларини ҳам баён этган. Асарда болалар учун мўлжалланган ўйинларнинг бир нечаси ҳақида маълумот келтирилади. Баъзилари йўл-йўлакай санаб ўтилган бўлса, айримлари (“Ошпик”, “Тўп”, “Чўпон болалар ўйини” каби)ларга таъриф берилган.

Юқоридигилардан кўриниб турибдики, болалар ўйинлари қадимдан мавжуд. Қолаверсак, халқ эртаклари ва мумтоз адабиётимизда болани етти ёшдан спорт ўйинлари, жумладан, курашга жалб қилишга доир даъватлар учрайди.

— Бола руҳияти нозик нарсас, қайси томонга эгсанг, шу томонга оғди, — дейди психолог Азамат Бахриддинов. — Бутун унинг қўлига пул тутказяймиз. Аммо у ўша маблагни қасрга сарфлаётганини назорат қилиш ҳам керак-ку. Фарзанд тарбиясидаги нуксонлар учун, биринчи навбатда, ота-она жавобгар.

Аччиқ бўлса ҳам, бир ҳақиқатни тан олиб айтиш керак: бутун минг йиллик тарихга эга миллий ўйинларимиз аста-секин йўқолиб бормоқда. Ота-боболардан қолган бу меросни сақлаб қолиш ва келажак авлодларга безавол етказиш буручимиз. Шунини унутмайлик, азизлар!

JAMOATCHILIK NAZORATI

БИР БОҒЧАГА
ЗОРДИР ОДАМЛАР

Шоҳрух ИБОДУЛЛАЕВ




Янги ўйин қурмагунча эскисини бузма, дейди халқимиз. Жуда топиб айтилган гап. Бу нақлнинг мантиси оддий: ўйини бузиб юборган одам бошпанасиз қолиб, саргардон бўлиши мукаррар. Афсуски, Богот тумани Бешарик қишлоғидаги “Ашхобод” маҳалласи аҳли бунини кеч аниқлаганга ўхшайди. Кўп йил муқаддам бу ерда барпо этилган мактабгача таълим муассасаси ҳозир ўз фаолиятини тўхтатган. Сабабини билгач, таажжубга тушидик.

Аслида “Ашхобод” жуда сокин маскан. Худудда манзарали ва мева-ли дарахтлар кўп. Ҳавоси ҳам ўзгача. Бирок бир ёнда ҳувиллаб ётган собиқ таълим-тарбия масканини кўриб юрагингиз эзилади. Сабабини суриштирсак, одамлар елка қисди. Биров эса, халқ таълими тизимида узоқ вақт фидойи меҳнат қилган Содикжон Солаевга учраб кўришни маслаҳат берди. Фахрий педагогнинг тезда излаб топдик.

— Эҳ-хе, бу масалада эшик қоқиб бормаян идорам қолмади, — дейди отахон қуюнчақлик билан. — Икки йилдан бери оворам сарсонман. Ўқитувчи бўлганим учун болалар қандай муҳитда таълим-тарбия топтоғи кераклигини яхши биламан. Кенжа ўғлимнинг икки нафар фарзанди бор. Каттаси қўшини маҳалладаги боғчага қатнади. Охири бу йили мактабга чиқди. Кичиги эса, беш ёшда. “Нурафшон” маҳалласидаги мактабгача таълим муассасасига берганмиз. На илож, ўзимизда боғча йўқ-ку! Энди йўл-қирага ҳам ҳаражат қилишга тўғри келяпти. Қани энди, арз-додимизни биров эшитса...

2016 йилнинг 14 мартида Ўзбекистон Республикаси давлат рақобат қўмитаси Хоразм вилояти ҳудудий бошқармаси ва фуқаро Жалолиддин Матиязов ўртасида Богот тумани ҳокимлиги балансидаги 29-болалар боғчасига тегишли бино ва иншоотларнинг одди-сотди шартномаси тузилган. Унга қўра, Ж.Матиязов объектни бузиши ёки қаровсиз қолга қелишига йўл қўймаглиги керак эди.

Шу ерда эътиборингизни яна бир қизик фактга қаратмоқчимиз. Дастлаб 24-, кейинчалик 4-мактабгача таълим муассасаси қандай қилиб 29-болалар боғчасига айланиб қолди экан? Тўғри, муассасанинг номи ёки рақамини ўзгартириш қонунда ман этилмаган. Аммо бундан шунча одам беҳабар қолгани бизни таажжублантирмоқда. Боз устига, тadbirkor олдди-сотди шартномасида кўрсатилган мажбуриятларига риоя этмай, боғча ҳовлисини буткул бузиб ташлаган. Учта бинодан бирини қайта таъмирлаб, тураржойга айлантирган (суратга қараң). Ваҳоланки, аслида у объектни қилич бизнес ва ҳуусий тadbirkorлик фаолияти билан шугулланиш учун сотиб олганди.



Мамлакатимизда мактабгача таълим тизимини ислох этишга жиддий эътибор қаратилмоқда. Тарбияланувчилар учун муносиб шароит яратиш ҳам устувор масала саналади. Шундай экан, олти минг аҳоли ва юзлаб оилалар истикомат қилаётган маҳаллада битта боғчани ишга тушириш шунчалик муаммо бўлаётганини қандай изоҳлаш мумкин?! Бу келажакка бефарқлик эмасми?

Эски боғча биносининг бир қисми аввал маҳалла идораси ҳамда ички ишлар бўлинимаси ихтиёрига берилганди. Кейин бу ерда “Ашхобод” маҳалласида “Обод қишлоқ” дастури амалга ошириш бўйича штаб ташкил этилди. Ҳозир иншоот қаровсиз аҳволда. Айтишларича, уни қайсидир тadbirkor сотиб олган. Қизиги, ўша харидорни маҳаллада ҳеч ким танимайди.

Содикжон ота қўлидаги ҳужжатларни ўрганиб чиқиб, қўлидаги маълумотга эга бўлди. Ўтган асрнинг 70-йилларида қурилган 24-мактабгача таълим муассасаси 2010 йилнинг май ойига “Пахтаой” номи билан фаолият кўрсатиб, кейин “Шодлик” номи 4-болалар боғчасига айлантирилган. Кўп ўтмай, муассасанинг фаолияти буткул тўхтатилган.

Кейинчалик мазкур объект туман ҳокимлиги балансида ўтказилди.

— Тупша-тузук ишлаб турган боғча эди, — дейди афсус билан Ўғилжон Жабборов. — Кўп йил у ерда ошпаз бўлиб ишлагандим. Ота-оналар мамнун эди. Мана энди, муаммонинг устига муаммо туғилди. Маҳалла болалари учун мактабгача таълим муассасаси жуда зарур.

— Икки неварам боғча ёшида, — дейди Парвона қўчасида яшайдиган Умрибўй Ёқубов. — Уларни Нурафшон шаҳарчасидаги 4-мактабгача таълим муассасасига берганмиз. Таълим-тарбияси ва овқатланиши учун унча кўп пул тўламаймиз. Бирок ҳар қуни шунча жойга олиб бериб қелишни айтмайсанми. Бу бир мен эмас, бутун маҳалла аҳлини ташвишлантираётган муаммо.

Ҳарқалай, муаммони ҳал этиш бўйича ҳаракатлар бошланган. Ҳусусан, жорий йил март ойида Ўзбекистон Республикаси ҳусусийлаштирилган корхоналарга қўмаклашиш ва рақобатни ривожлантириш давлат қўмитасининг Хоразм вилояти ҳудудий бошқармаси мутахассислари Ж.Матиязовга ташландик объектда ҳуусий боғча барпо этишни тавсия қилди. Аммо негадир тadbirkorдан хали ҳам садо чикмаяпти. Охири бахайр бўлсин-да, ишқилиб.

MULONAZA

ЎЙНАБ, ЎЙЛАБ
ЎССИН БОЛАЛАР

Шерзод МАҲМУДОВ



Ҳар қуни компьютер ўйингоҳи олдида ўтаман. Ичкаридан ёшларнинг қий-чуви, алмойи-жалмойи гаплари эшитилади. Ваҳоланки, шу жой яқинидаги спорт майдончасида санокли одамни учратасиз. Онда-сонда футбол ўйнашга келадиган уч-тўрт ўспиринни хисобга олмаганда майдонча деярли ҳувиллаб қолган.

Бу манзарани кўргач, болалигим ёдимга тушади. Мактабдаги катта таънаффус пайтида “Оқ теракми, кўк терак”, “Чиллак”, “Ланка” каби ўйинлар билан ардармон бўлардик. Тупроқ кўчада тошлардан рамзий дарвоза ясаб, тўп сурардик. Қоронгу тушгач, қўшин болалар билан беркинмачок ўйнаш, айниқса, марокли эди. Юпка сымдан қўлбола гилдираклар, дарахт шоҳларини

дан “қурул”лар ясаганимиз ҳамон эсимда.

Бугунги болалар замонавий технологиялар шайдоси, ўрни келганда уларнинг “тили”ни сизу биздан кўра яхшироқ тушунади. Аксариятга сўнгги русумдаги қўл телефонини бериб қўйсангиз бас, ичидан турфа кераклик-кераксиз функциялар, бекорчи ўйинларга қўн бўйи вақтини сарфлашга тайёр. Яна ким-

дир бўш қолдим дегунча компьютер қаршисига ошмади. Албатта, пухта билим олиб, хорижий тил ўрганиб, спорт билан шугулланаётган ёшларимиз ҳам талайгина. Бирок гуруч қурмақсиз эмас ва ўша қурмақлар тобора урчиётгандек, назаримизда. Меҳнатга ҳуши йўқлар сафи кенгаётгани ачинарли.

Атоқли ёзувчимиз Ўткир Ҳошимов “Нур борки, соя бор” романи-

1 SAVOLGA 1 JAVOB

— Restoranda nikoh oqshomi o'tib bo'lgach, ba'zilar o'yin-kulguni uyida davom ettiryapti. Turgan gapki, qo'shnilarining tinchi buziladi. Bunday holatda javobgarlik ko'zda tutilganmi?

Gulmira QOBILOVA
Samarqand shahri



Savolga huquqshunos
Zulayho HAFIZOVA javob beradi:

— Ma'muriy javobgarlik to'g'risida kodeksda ko'rsatilishicha, soat 23.00 dan 06.00 gacha fuqarolarning osoyishtaligi va normal dam olishini buzish fuqarolarga eng kam ish haqining uchdan bir qismi, mansabdor shaxslarga esa — uchdan bir qismidan ikkidandan bir baravarigacha miqdorda jarima solishga sabab bo'ladi.

Xuddi shunday huquqbuzarlik ma'muriy jazo chorasi ko'llanilgandan keyin bir yil davomida takror sodir etilsa, fuqarolar eng kam ish haqining ikkidandan bir qismi miqdorida, mansabdor shaxslar esa, ikkidandan bir qismidan bir baravarigacha miqdorda jarima to'lashi shart.

YOSHLIK ILHOMI

Qismat

Ozod MUSTAFOYEV

Hovli tashqarisidagi bedazor. Ko'zni qamashtiradigan issiqda chetlari titilib ketgan somon shlyapa kiyib olgan qo'shnimiz o't o'rarkan, ba'zida qaddini rostlab, sovuq choydan xo'plab qo'yardi. Shu holat yarim soatcha davom etdi. Bunga ko'zi tushgan yo'lovchi boshini sarak-sarak qilib, birlas to'xtab, jonini jabborga berib ishlayotgan kimsani kuzatdi.

— Hormang, qo'shni. Bedani xom o'ryapsiz-ku, — dedi u o'zini ariq labidagi tol soyasi tomon olarkan.

Haqiqatan beda hali pishib yetilmagan edi. Qo'shnimiz Azim aka o'roqni yerga tirab, o'zi unga suyanar ekan, gapirgan odamni tanidi. Yo'lovchi hozirda shaharda yashaydigan qishloqdoshi Rizamat ekan.

— Rahmat, bor bo'lingi, — deya peshonasidan duv-duv oqayotgan teri artdi. — To'yxabar sizga ham bordini? Indinga to'y. Kenjani uylantirayman.

Savolga o'rin qolmadi. Demak, bedazor mehmonlar uchun davra bo'ladi. Bu yerga stol-stullar qo'yiladi.

— E, shundoq deng. Bolalardan qutlarkansiz-da. Xabarchingiz balki biz bo'lmagan-da uyimizga borgandir. Mana, sizdan eshitdik. Endi kelavermiz-da.

SHaharlik ham-so'xidan so'ng manziliga ravona bo'ldi. To'y egasi ko'zlarini qamashtirgan-cha tepaga bir qarab qo'yarkan, ishining yakunlanish vaqtini chamalab oldi: o'tni o'rib bo'lgach, egatlarni ham tekislash kerak.

Hovli tashqarisidagi bo'sh maydon. Kiraverishda bir guruh chopon kiyib olgan odamlar xomush tizilib turibdi. O'rigan bedazor bo'ylab terilgan stullarning hammasi band. Ichkarida ayollar uvvos solib yig'lamoqda.

— Saloti janoza! Saloti janoza!

Kimningdir shu gapidan so'ng erkaklar qibla tomonga yuzlanib, bir saf bo'lib tizildi. Tobutga solingan mayit shu tomonga olib kelinar ekan, dod-faryodi yanada balandlashdi. Mulla va'z o'qiy boshlagachgina oh-vohlar tindi. Janoza namozidan keyin tobut katta yo'l bo'yiga qadar qo'lma-qo'l ko'tarib borildi. Mayit yaqin kishilari qurshovida qabriston tomonga qarab yo'l olgachgina, azaga kelganlar tarqay boshladi.

Janozadan qaytayotgan odamlar tilida birgina gap: "O'g'lining to'yini ham ko'rmasi bechora. Qismat ekan!"

O'QING, BU QIZIQ!



Qog'oz salfetka dengiz suvida 3 oyda, gugurt cho'plari 6 oyda to'liq erib bitadi. Tamaki qoldig'i hatto 5 yilgacha suzib yurishi mumkin.

Poliyeten paket suvni

10-12 yil, neylon buyumlar 35 yil davomida ifloslantiradi. Temir banka butunlay yo'q bo'lishi uchun 500, shisha idishga esa, undan ham ko'p — naq 1000 yil kerak.



Faqat kolibri qushi orqaga ham ucha oladi.

MUASSIS
O'ZBEKISTON YOSHLAR ITTIFOQI
MARKAZIY KENGASHI
Gazeta O'zbekiston Matbuot va axborot agentligida 2017-yil 2-avgustda № 0242 raqami bilan qayta ro'yxatdan o'tgan.
Bosh muharrir
Karimov Faxriddin Turdallyevich

TAHRIR HAY'ATI
Mansur Bekmurodov, Laziz Tangriyev, Madamin Safarov, Alisher Sa'dullayev, Dilmurod Nabiye, Azim Mirzajonov, Nodir Abduqodirov, Nargiza Umarova — bosh muharrir o'rinbosari ("Yoshlar ovozi"), Irina Kochergina — bosh muharrir o'rinbosari ("Молодежь Узбекистана"), Yelena Kalinina — mas'ul kotib ("Молодежь Узбекистана")

Dizayner
Abdullayev Xurshid O'ktamjonovich
Navbatchi
Sherzod Mahmudov
Gazeta materiallari tahririyat kompyuter markazida teriladi va sahifalandi.

"YOSHAR OVOZI" dan materiallarni ko'chirib bosish tahririyat ruxsati bilan amalga oshirilishi shart.
belgisi bilan tijoriy materiallar chop etiladi.

Tahririyat manzili: 100083, Toshkent, Matbuotchilar ko'chasi, 32.
Telefonlar: (371) 150-22-74, (371) 233-95-97. (371) 233-79-89 (faks)
E-mail: yoshlarovozi@umail.uz
"Sharq" nashriyot-matbaa aksiyadorlik kompaniyasi bosmaxonasida, A-2 formatda chop etildi. Hajmi — 2 bosma taboq.
Korxona manzili: Buyuk Turon ko'chasi, 41.
Indeksalar: 203, 3203
Bahosi kelishilgan narxda.
Buyurtma G-1036
Adadi — 11583
Boshlash to'xtatish vaqti — 21.00
Tepa-hiridi — 31.45
O'za yakuni — 23.40
1 2 3 4 5

NUQTAYI NAZAR

Komillikning oliy cho'qqisi

Zohid ABDULLAYEV, pedagog

Komil inson haqidagi ta'limot azaldan mutafakkir va olimlarning fikru e'tiborini band qilgan. Komillik deganda insonga xos jamiyki a'molu amallarning ruhiy e'tiqod bilan sug'orilishini tushunmoq lozim. Bu — Haqqa, yorug'likka intilish, haqiqatga yaqinlashish maqsadida qalbdagi dog'larni, nuqson va gunohlarni ravshanroq ko'ra bilish yo'lidir.

Xalqimiz ma'naviy yuksalish, shu jumladan, komil inson tarbiyasi masalasiga hamisha katta e'tibor qaratib kelgan. Buning natijasi o'liboroq, ona diyorimizdan aqlu zakovatda tengi yo'q Beruniy, Muhammad al-Xorazmiy, Abu Ali ibn Sino, Forobiy, Alisher Navoiy, Amir Temur, Bobur, Ulug'bek kabi daholar yetishib chiqdi. Ularning insoniyat oldidagi be-minnat xizmatlari tufayli bugun biz, avlodlar qaddimizni tik, boshimizni mag'rur tuta o'laymiz.

Inson borliqdagi barcha mavjudotlar ichida eng ulug' i sanaladi. U har vaqt kamolotga intiladi va shu asnoda ruhiy olamida o'zligini izlaydi. Hazrat Navoiy "Kamol et kasbkim", degan da'vatida komillik uchun zarur juda ko'p jihatlarni tilga olgan. Shunga ko'ra, kishi ruhiyatini hirs, ta'ma, nafs, g'afiat, nodonlik singari mayllardan poklamas ekan, hech qachon komil inson bo'la olmaydi. "Olam uyi"da yashash uning fuqarosiga aylanishdir.

Alisher Navoiy insonning jahon farzandi mavqeiga ko'tarilishini istagan. Ana shu mavqeni kamolotning oliy cho'qqisi, deb bilgan. Bobomiz ta'kidlaganidek: "Olamdan g'amsiz o'tay desang, ilmu hunar o'rgan. Dunyodan kamolotga yetmay o'tish hammomda toza bo'lmay chiqish bilan barobar".

Buyuk mutafakkir fikricha, yosh avlodning xalqparvar, bilimli, ijobiy sifatlar egasi bo'lishi tarbiyaga bog'liq. U tarbiya ta'sirida qobiliyati shakllangan o'quvchilar bo'lgani kabi yomon xulqli bolalar bo'lishi mumkinligini ham inkor etmaydi.

Bizni ulug'lovchi eng oliy fazilatlar — yaxshilik qilmoq va go'zal xulq. Keyingisi — rostgo'ylik, uchinchisi — hayo. Mana shu fazilatlar birlashsa, inson komillikka yetadi. Demak, farzand tarbiyasi bilan muntazam shug'ullanish, shaxsning ma'naviy va axloqiy qiyofasiga faol ta'sir qilish oila, maktab va keng jamoatchilik oldidagi muhim vazifaga aylanmog'i shart.

PSIXOLOG MASLAHATI

— Yoshim o'ttizda. Shu paytgacha bironta ham xorijiy tili o'rganishga qunt qilmadim. Endi esa, kasbim shuni taqozo qilaypti. Bilimsizligimdan juda uyaliqapman. Maslahat bersangiz, qanday qilib qisqa muddatda chet tillarini o'rganishim mumkin?

Surayyo XOLMATOVA
Denov tumani



Savolga psixolog Zebiniso AHMEDOVA javob beradi:

— Ilm olishning erta-kechi yo'q. Shunday ekan, avvalo, o'zingizga ishonang. Albatta, bir ishingiz uddasidan chiqmoqchimisiz, mehnat qilishdan qochmang.

Xorijiy tillarni o'rganayotganlarning ko'pchiligi shu tilda erkin muloqot qilishdan qo'rqadi, aniqrog'i, cho'chiydi. Muammodan qutulishni istasangiz mashq qilishdan to'xtamang. Ijtimoiy tarmoqlarda o'zga millat vakillaridan do'stlar o'rnatish ham foydadan xoli emas.

Til o'rganish anchayin qunt, e'tibor talab qiladi. Amaliyot va yana amaliyot bilan mashg'ul bo'ling. Telefoningizni o'sha tilga moslashtirib, xorijiy tildagi adabiyotlarni o'qing, subtitrlil filmlarni tomosha qiling.

Mustaqil ta'lim olish yaxshi, albatta. Ammo makolali pedagogning yordami baribir asqatadi.

HIKMAT

Ilimga yetishishning uchta yo'li bor: fikrlash yo'li — eng to'g'ri yo'l, taqld qilish yo'li — eng oson yo'l va tajriba yo'li — eng achchiq yo'l.

KONFUTSIY



Dilfuza JAMOLOVA, talaba

Kuz... Bu so'zning ohangi zamirida ko'z ilg'amas, ammo qalbning eng nozik torlarini chertuvchi seyr bor. Uning oltin yaproqlari ortida mislsiz go'zallik va pinhoniylar sirlar yashirin.

Erta tong. Erinibgina eshikni ochasiz, dimog'ingizga mayin, biroq etni juniktiruvchi kuzak havosi uriladi. Uzoq-uzoqlarga tikilib, o'yalar sura boshlaysiz. Xotira daftaringiz sahifalarini ochib, shirin o'yarlarga berilasiz. Shu on ko'zingiz bog' to'rida savlat to'kib turgan majnunolga tushadi. Uning egilgan shoxlaridagi olovrang yaproqlar qadrdon maskani bilan xayrlashib, sekingina yer bag'riga bosh qo'yadi.

O'zingizni tabiat bag'riga singib ketayotgandek his qilasiz. Havo salqinligiga qaramay, bog' tomon shoshasiz. Tunda tetiklik, yuzingizda tabassum zohir bo'ladi. Bexos osmonga qaraysiz. Uni qora bulut

qoplay boshlaydi. Bir zumda yomg'ir tomchilari yuzingizni yuvib tushadi. Yer, yaproq va atrofdan taralayotgan iforlar qo'shilib, borliqqa xushbo'ylik taraladi. Shu onda yomg'ir ostida raqsga tushishni istab qolasiz va xayolan xiron aylaysiz.

Yomg'irga qo'shilib shamol ham daraxt shoxlarini sekin tebratadi. Endi uyga qaytish kerak. Yo'qsa, shamollab qolish mumkin. Uy tomon oshiqasiz. Ko'zgu yonida yomg'irdan namiqgan sochlarigizni taraysiz, keyin kiyimigingizni almashtirasiz. Radioda kuzni tarannum etuvchi sokin qo'shiq yangraydi — ovozi balandlatasiz. Ammo, tashqarida sharos quyayotgan yomg'ir, kuzning betakror manzarasi yana sizni deraza yoniga chorlaydi. Tabiat go'zalligi va musiqa bir-biriga hamohang bo'lib, ajib his uyg'otadi. Tabiatning maftunkorligidan zavqlanasiz, sekingina barmog'ingiz bilan oynaga rasm chiza boshlaysiz, beixtiyor jilmayasiz.

Shu on yuragingizni quvonch va allanechuk tushkunlik chulg'ab oladi. Bunday tushunarsiz holatdan ko'nglingiz biroz g'ashlanadi, mutolaa qilishni istab qolasiz. Javoningizdagi kitoblarni birma-bir ko'zdan kechirasiz. Mana, Odil Yoqubovning "Billur qandillar"i. Yaxshi hikoya, biroq ayni chog'da nazm gulshanidan bahra olgiz kelyapti. Abdulla Oripov, Usmon Azim, Shavkat Rahmon, Rauf Parfi she'rlarining to'plami qo'lingizga tushadi. Ohista varaqlaysiz. Beixtiyor kuz haqidagi she'r e'tiborinigizni tortadi:

Ko'z o'ngimda bepoyon bog'lar,
Yaproqlarda tillar g'ubor.
Yaqlashib qolgandek tog'lar,
Havo shunday tiniq beg'ubor...

Ha, bu ajib manzara sizning xotirangizda abadiy muhrlanadi.

SABOQ

Dastyor o'g'il

SHOHIDBEK

Azizaxon juda chaqqon kelin. Mahallada hamma uni maqtaydi. Mehnat qilib charchamaydi. Bolalarini ham o'zidek saranjom-sarishtalikka o'rgatgan. Ayniqsa, o'g'li juda chaqqon — onasining dastyori. Hali maktabga chiqmagan. Tengqurlariga qaraganda kamroq o'ynasa o'ynaydiki, lekin ro'zg'or yumushlariga qarashishni kanda qilmaydi. Validasi ovqat tayyorlasa o'choq, non yopsa tandir boshiga o'tin tashiydi. Suv tugab qolsa, kichkina chelakhasini oladi-yu, chopqillab vodoprovoddan to'ldirib keladi. Mayli-da, hech bo'lmaganda bir choynak choy damlashga etadi.

Azizaxon ishdan kelib, to'g'ri dalaga otlandi. Ekinlarni sug'orib, begona

o'tlardan tozalash, tag'in mol-holga qarash ham kerak. Xullas, ish ko'p. Bir kuni u o'g'lini televizor qarshisiga o'tqazib qo'ydi-yu, o'zi yumushlari bilan tashqariga chiqdi. Birozdan so'ng uyda chiroq o'chdi. Bolakay vaqtini boy bermay deb onasi daladan kelguncha uy yumushlarini bajarishga kirishdi. Dastlab xonalarni supurdi. Keyin oshxonaga o'tdi. Bo'yi yetmagach, kursiga chiqib, boyagina o'zi ishlatgan likopcha va qoshiqni yuva boshladi. Piyola va choynakni ham chaydi. Ularni joy-joyiga qo'ydi. Hammayoq bir zumda yog' tushsa yalagudek top-toza bo'ldi.

Bolakay ishi bajarib bo'lgach, qo'llarini sovunlab yuvdi-yu, sochiqqa

bo'yi yetmadi. Xamir yo'yigich yordamida bazo'ri ilib oldi. Endi sochiqni joyiga qo'yay desa, imkoniy yo'q. Qayerdandir mix topib, devorga qoqishga urindi. Rosa xunob bo'ldi, ammo uddasidan chiqmadi. Tayyor teshikni ko'rib, shartta borib mixni rozetkaga suqdi va sochiqni ilib qo'ydi.

Birozdan keyin bola zerika boshladi. Televizor tomosha qilay desa, elektr qurg'ur o'chgan. Tashqariga chiqay desa, tengqurlari uy-uyiga tarqagan. Xontaxta yonidagi ko'rpachaga yotib cho'zildi. Ko'zi darhol ilinibdi.

Shu orada onasi keldi. Eshikning g'ichillashidan bola uyg'onib ketdi. Azizaxon uyning saranjomligini ko'rib quvondi. Qo'lini yuvib, sochiqni izlay boshladi. Topolmagach o'g'luga yuzlandi. O'g'li sochiqni ilgan joyini ko'rsatib, uni olib kelish uchun chopqillab bordi. Ona jon holatda o'g'lini to'xtatib qoldi. Ko'zlaridan tirqirab yosh oqdi. Bolasini bag'riga bosdi. Bir o'zini tashlab ketgani uchun o'zini o'zi koyidi. Endi farzandini yolg'iz qoldirmaslikka qaror qildi.

ДИККАТ!

ЎЗБЕКИСТОН ЁШЛАР ИТТИФОКИДАН

СУПЕР ЯНГИЛИК!

“Орзуларим рўёбга чиксин!”
“Максадимга албатта етман!”
“Ташаббусларимга канот керак!”
“Дилмда айтар гапим бор!”

“Муаммоларга ечим топишни истайман!”
деган муштарийлар учун маърифий мулоқот майдони,
муносиб минбар бўлган

«YOSHAR OVOZI»

газетасига обунани самарали ташкил этиш мақсадида куйидаги номинациялар бўйича танлов олон қилади:

10 000 ТА ЙИЛЛИК ОБУНА ТАШКИЛ ЭТАН ХУДУДНИНГ КЕНГАШИГА /“DAMAS” АВТОМОБИЛИ!

5 000 ТА ЙИЛЛИК ОБУНА ТАШКИЛ ЭТАН ХУДУДНИНГ ХАР БИР МАХАЛЛИН КЕНГАШИГА / НОУТБУК!

“ЎН САЛОҚАТНИ ОБУНАЧИ-МУШТАРИЙ” ТА /ПЛАНШЕТ!

“ЎН ТАШАББУСКОР ОБУНАЧИ-МАХАЛЛИ” ТА /СМАРТФОН!

ШОШИЛИНГ, ХАРАКАТ РАҒБАТСИЗ ҚОЛМАЙДИ!

ЎЗБЕКИСТОН ЁШЛАР ИТТИФОҚИ ТАШАББУСНИ, ИНТИЛИШНИ, ЭЪГУ ФОВЛАРНИ ҲАР ЖИХАТДАН ҚўЛАБ-ҚУВВАТЛАШГА ТАЙЁР!